

四庫全書

子部

欽定四庫全書

普濟方卷八

明 周王朱橚 撰

運氣圖

甲戌歲圖



太陽寒水司天太陰濕土在泉中見太宮土運歲土太過氣化運行先天太宮下加太陰太過而加同天符又土運臨戌是謂歲會氣之平也平土之歲命曰備化之紀氣協天休德流四政五化齊脩其氣平其性順其用高下其化豐滿其政安靜其候溽蒸其令濕其類土其應長夏其穀稷其果棗其實肉其蟲保其畜牛其物膚其色黃其味甘其音宮其數五其也在人也其臟脾其主口其養肉其病痞此歲運所主也天地之氣上見太陽

左間厥陰右間陽明故天政所布其氣肅下見太陰左
間少陽右間少陰故地氣靜而其令徐水土合德上應
辰星鎮星其穀玄穀寒臨太虛其政大舉陽氣不令澤
無陽燄則火發待時少陽中治時雨廼涯止極雨散還
於太陰雲朝北極濕化廼布澤流萬物寒敷於上雷動
於下寒濕之氣持於氣交民病寒濕發肌肉痿足痿不
收濡瀉血溢歲半之前天氣太陽主之太陽有本標之
化寒政大舉熱氣時應者天氣得中也歲半之後地氣

太陰主之太陰之化從本雨濕甚者地氣之應也寒化六溫化五是為正化之日稌虫育鱗虫靜是為歲物所宜燥毒不生鱗虫不成其味鹹其氣熱是為地氣所制平土之歲本不資化源運與地氣臨於戌歲土氣盛先資化源以助於水所謂抑其氣運扶其不勝無使暴過而生其疾也食玄齡之穀以全其真避歲之虛邪以安其正以苦熱調上以苦溫調下運土在中亦以苦溫調之運同寒之化宜燥熱治之常也初之氣自癸酉年大


寒日申初至是歲春分日午初凡六十日八十七刻半
主位太角木客氣少陽火中見土運少陽中治行春令
地氣遷氣廼太溫草廼早榮民廼厲溫病廼作身熱頭
疼嘔吐肌腠瘡瘍宜治少陽之客以醎補之以甘瀉之
以醎奠之歲穀宜玄間穀宜豆則火不為邪二之氣自
春分日午正至小滿日辰正凡六十日有奇主位少徵
火客氣陽明金中見土運金土相和大涼反至民廼慘
草廼遇寒火氣遂抑民病氣鬱中滿寒乃始宜治陽明之

客以酸補之以辛瀉之以苦泄之歲穀宜玄間穀宜黍則燥不為
邪三之氣自小滿日已初至大暑日卯初凡六十日有
奇主位少徵火客氣太陽水中見土運天政布寒氣行雨
迺降民病寒反熱中癰疽注下心熱脅悶不治者死
宜治太陽之客以苦補之以鹹瀉之以苦堅之以辛潤
之歲穀宜玄間穀宜稷則寒不為邪四之氣自大暑日卯
正至秋分日丑正凡六十日有奇主位太宮土客氣厥
陰木中見土運歲土得位風氣居之風濕交爭風化為

雨迺長迺化迺成民病大熱少氣肌肉萎足痿注下赤
白宜治厥陰之客以辛補之以甘緩之歲穀宜糝間穀
宜稷則風不為邪五之氣自秋分日寅初至小雪日子
初凡六十日有奇主位少商金客氣少陰火中見土運
火能生土土能生金氣位相和陽復化草迺長迺化迺
成民迺舒法宜調少陰之客以鹹補之以甘瀉之以酸
收之歲穀宜糝間穀宜豆則熱不為邪終之氣自小雪
日丑正至大寒日戌正凡六十日有奇主位太羽水客

氣太陰土中見土運氣與運符會地氣正濕令行陰凝
太虛埃昏郊野民廼慘悽寒風以至反者孕廼死宜治
太陰之客以甘補之以苦瀉之以甘緩之歲穀宜齡間
穀宜麻則濕不為邪是氣也不可犯涼司氣以涼故也
歲寒雖平或有邪氣則中執法經曰中執法者其病速
而危也

乙亥歲圖



厥陰風木司天少陽相火在泉中見少商金運歲金不
及氣化運行後天上角與正角同諸同正歲氣化運行
同天厥陰在上左間少陰右間太陽故天氣擾而其政
撓少陽在下左間陽明右間太陰故地氣正而其令速
風生高遠炎熱從之雲趨雨府濕化廼行風火同德上
應歲星熒惑其穀蒼丹間穀言太宮太羽者其耗文角
品羽風燥火熱勝復更作蟄蟲來見流水不冰熱病行於
下風病行於上風燥勝復同所謂邪氣化日也風化八

清化四火化二所謂正化度也毛蟲靜毛蟲育是廼物
所宜介蟲耗毛蟲不育寒毒不生是廼地氣所制然木
為天氣火為地氣金運在中地氣勝運運化勝天其化
不絕天氣虛地氣盈宜資化源以助木氣兼贊歲運無
使邪勝歲半之前天氣厥陰主之厥陰以中氣為化當
是時風從火化者天氣之和也若風淫所勝則太虛埃
昏雲物以擾寒生春氣流水不冰民病胃脘當心而疼
上肢兩脇膈咽不通飲食不下舌本強食則嘔冷泄腹

脹澹泄痼水閉病本於脾診在足衝陽之脈法宜平以
辛涼佐以苦辛以甘緩之以酸瀉之歲半之後地氣少
陽主之少陽之化從本若火淫於內則焰明郊野寒熱
更至民病注泄赤白少腹痛溺赤甚則血便法宜治以
鹹冷佐以苦辛以酸收之以苦發之歲運之化金不及
是謂折收氣迺後生氣迺揚長化合德火政乃宣庶類以
蕃其氣揚其用躁切其化兼所不勝夏有光顯鬱蒸之
令則冬有嚴凝整肅之應若夏有炎爍燔燎之變則秋


有水雹霜雪之復其青自西其病內含膈脇肩背外在
皮毛復則寒雨暴至陰厥且格陽反上行頭腦戶痛延
及顛頂發熱甚則心痛治宜以酸調和中初之氣自甲
戌年大寒日亥初至是歲春分日酉初凡六十日八十
七刻半主位太角木客氣陽明金中見金運氣與運通
居於木位與厥陰交司而行春令金木氣齊寒始肅殺
氣方至民病寒於右之下宜治陽明之客以酸補之以辛
瀉之以苦泄之歲穀宜蒼間穀宜黍是氣也司氣以涼

用涼無犯二之氣自春分日酉正至小滿日未正凡六十日有奇主位少徵火客氣太陽水中見金運金水相得寒不去華雪水冰殺氣施化霜廼降谷草上焦寒雨數至陽復化民病熱於中宜治太陽之客以苦補之以鹹瀉之以苦堅之以辛潤之歲穀宜蒼間穀宜稷三之氣自小滿日申初至大暑日午初凡六十日有奇主位少徵火客氣厥陰木中見金運火勝金金勝木其化不絕天政布風廼時舉民病泣出耳鳴掉眩宜治厥陰之

客以辛補之以酸瀉之以甘緩之歲穀宜蒼間穀宜稷
四之氣自大暑日午正至秋分日辰正凡六十日有奇
主位太宮土客氣少陰火中見金運又值在泉少陽交
司之時溽暑濕熱相薄爭於左之上民病黃痺而為
肘腫宜治少陰之客以鹹補之以甘瀉之以酸收之歲
穀宜丹間穀宜豆五之氣自秋分日巳初至小雪日卯
初凡六十日有奇主位少商金客氣太陰土中見金運
之金得位與土相和其化燥濕更勝沉陰廼布寒氣及

體風雨廼行宜調太陰之客以甘補之以苦瀉之以甘
緩之歲穀宜丹間穀宜麻終之氣自小雪日卯正至大
寒日丑正凡六十日有奇主位太羽水客氣少陽火中
見金運畏火司令陽廼大化蟄蟲出見流水不冰地氣
大發草廼生人廼舒其病溫厲宜治少陽之客以鹹補
之歲穀宜丹間穀宜豆六氣之常也歲寒之化天氣勝
者陽明復之地氣勝者太陽復之其治各以其勝復法

丙子歲圖



少陰君火司天陽明燥金在泉中見太羽水運歲水太
過氣化運行先天水運臨子是謂歲會氣之平也平水
之歲命曰靜順之紀藏而無害治而善下五化咸整其
氣明其性下其用沃衍其化凝堅其政流演其候凝肅
其令寒其類水其應冬其穀豆其果栗其實濡其蟲鱗
其畜彘其色黑其味鹹其物濡其音羽其數六其在人
也其藏腎其主三陰其養骨髓其病厥此歲運之化也
天地之氣上見少陰左間太陰右間厥陰故天政所布

其氣明下見陽明左間太陽右間少陽故地之氣肅而
其令切交司之氣以寒交暑天地之氣以熱加燥雲馳
雨府濕化廼行時雨廼降金火合德上應熒惑太白其
穀丹水火寒熱持於氣交而為病始熱病生於上清病
生於下寒熱相犯而爭於中民病欬喘血溢血泄衄衄
皆目赤噎瘍寒厥入胃心痛腰痛腹大噤乾腫上益火
為天氣金為地氣水運在中熱化二寒化六清化四正
化度也羽蟲靜介蟲育歲物之宜也毛蟲耗羽蟲不生

地氣制之也燥熱相加天氣盈地氣虛歲有平水不取
化源唯抑運氣資其歲勝無使暴過而生病也食丹白
之穀以全其真氣食間氣之穀以辟虛邪味宜鹹寒調
上以酸溫安下運同地氣宜以溫熱化歲半之前天氣
少陰主之少陰有本標之化其應寒熱得中歲半之後
地氣陽明主之陽明以中氣為化其應溫燥相半當其
時而至者為平非其時而至者為淫初之氣自乙亥年
大寒日寅初至是歲春分日子初凡六十日八十七刻


半主位太角木客氣太陽水中見水運氣與運同以居
木位水木相和奉少陰之政而行春令地氣遷燥將去
寒迺始蟄復藏水迺水霜降風迺至陽氣鬱民反周密
關節禁固腰膝痛炎暑將起中外瘡瘍宜治太陽之客
以苦補之以鹹瀉之以苦堅之以辛潤之歲穀宜丹間
穀宜稷則寒不為邪是氣也用寒遠寒無犯司氣之寒
二之氣自春分日子正至小滿日戌正凡六十日有奇
主位少徵火客氣厥陰木中見水運水木相得陽氣布

風廼行春氣以正萬物應榮寒氣時至民廼和其病淋
目瞋目赤氣鬱於上而熱宜治厥陰之客以辛補之以
酸瀉之以甘緩之歲穀食丹間穀食豆則風不為邪三
之氣自小滿日亥初至大暑日酉初凡六十日有奇主
位少徵火客氣少陰火中見水運火居火位歲水間之
天政布大火行庶類蕃鮮寒氣時至民病氣厥心痛寒
熱更作欬喘目赤宜治少陰之客以鹹補之以甘瀉之
以酸收之歲穀食丹間穀食豆則熱不為邪四之氣自

大暑日酉正至秋分日未正凡六十日有奇主位太宮
土客氣太陰土中見水運土居其位溽暑至大雨時行
寒熱互至民病寒熱噤乾黃痺飢飢飲發宜治太陰之
客以甘補之以苦瀉之以甘緩之歲穀食白間穀食麻
則濕不為邪五之氣自秋分日申初至小雪日午初凡
六十日有奇主位少商金客氣少陽火中見水運畏火
臨暑反至陽廼化萬物廼生廼長廼榮民廼康其病溫
歲水制之其病廼微宜治少陽之客以鹹熯之歲穀食

白間穀食豆則火不為邪終之氣自小雪日午正至大
寒日辰正凡六十日有奇主位太羽水客氣陽明金中
見水運水當其位以金相和燥令行餘火內格腫於上
欬喘甚則血溢寒氣數舉則霧濤翳病生皮腠內舍於脇
下連小腹而作寒中地將易也宜治陽明之客以酸補
之以辛瀉之以苦泄之歲穀食白間穀食黍則燥不為邪是歲也
水氣之平由於歲會為行令邪或中之民有持久之病
經所謂中行令者其病徐而持也

丁丑歲圖



太陰濕土司天太陽寒水在泉中見少角木運歲木不及氣化運行後天委和之紀曰上宮與正宮同諸同正歲氣化運行同天此言天氣平也天地之氣上見太陰左間少陽右間少陰故地氣上騰而其政肅下見太陽左間厥陰右間陽明故天氣下降而其令寂陰專其政陽氣退辟大風時起原野昏霧白埃四起雲奔南極寒雨數至物成於差夏濕寒合德上應鎮星辰星其穀齡玄故陰凝於上寒積於下寒水勝火則為水雹陽光不治

殺氣廼行民病寒濕腹滿身臃憤肘腫痞逆寒厥拘急
清化熱化勝復同邪氣化度也雨化五風化三寒化一
正化度也歲物所宜則保蟲靜鮮蟲育地氣所制則羽
蟲耗熱毒不生故有餘宜高不及宜下有餘宜晚不及
宜早土之利氣之化也民氣亦從之也間穀命太徵太
商者蓋土為天氣水為地氣土勝水天氣盈地氣虛宜
取化原以平氣益其歲氣無使邪勝食齡玄之穀以全
其真食間氣之穀以保其精以苦燥之溫之甚則發之泄之

則濕氣外溢肉潰皮拆而水血交流必贊其陽火令禦
甚寒從氣異同少多其判也歲半之前天氣太陰主之太陰
所至其令濕若濕淫所勝則沉陰旦布雨變枯槁民病
肘腫骨腫陰痺陰痺者按之不得腰脊頭項痛時眩大
便難陰氣不用飢不欲食欬唾則有血心如懸病本於
腎診在足太谿之脈法宜平以苦溫佐以甘辛以汗為
效而止所謂丁丑歲其化上苦溫也歲半之後地氣太
陽主之太陽所至其令寒若寒淫於內則凝肅慘慄民

病少腹控臑引腰脊上衝心痛血見噤痛頤腫法宜
治以甘熱佐以苦辛以鹹瀉之以辛潤之以苦堅之歲運
之化木不及是謂勝生生氣不正化氣迺揚長氣自平
收令迺早涼雨時降風雲並興草木晚榮蒼乾凋落物
秀而實膚肉內克其氣斂其用聚其動綏戾拘緩其發
驚駭化其兼所不勝春有鳴條律暢之化則秋有霧露
清涼之政春有慘淒殘賊之勝則夏有炎暑燔爍之復
其青東其病內舍肱脇外在關節復炎暑流火民病

寒熱瘡瘍痹疹癰疽法宜調以辛溫初之氣自丙子年
大寒日巳初至是歲春分日卯初凡六十日八十七刻
半主位少角木客氣厥陰木中見木運歲木當位地氣
遷寒廼去春氣正風廼來生布萬物以榮民氣條舒風
濕相薄雨乃後民病血溢筋絡拘強關節不利身重筋痿
宜調厥陰之客以辛補之以酸瀉之以甘緩之歲穀宜
粳間穀宜稷則風不能為邪是氣也司氣以溫無犯二
之氣自春分日卯正至小滿日丑正凡六十日有奇主


位太徵火客氣少陰火中見木運火氣當位大火正物
承化民廼和其病溫厲盛行遠近咸若溫蒸相薄雨廼
時降宜調少陰之客以鹹補之以甘瀉之以酸收之歲
穀宜齡間穀宜豆則熱不為邪三之氣自小滿日寅初
至大暑日子初凡六十日有奇主位太徵火客氣太陰
土中見木運木生火火生土其化順天政布濕氣降地
氣騰雨廼時降寒廼隨之感於寒濕則民病身重肘
腫胸腹滿宜治太陰之客以甘補之以苦瀉之以甘緩

之歲穀宜齡間穀宜麻雖有邪濕不能為害四之氣自
大暑日子正至秋分日戌正凡六十日有奇主位少宮
土客氣少陽火中見木運地氣交司畏火臨溽蒸化地
氣騰天氣否塞寒風曉暮蒸熱相薄草木凝烟濕化不
流則白露陰布以成秋令民病腠理熱血暴溢瘧心腹
滿熱臚脹甚則肘腫宜治少陽之客以鹹補之以甘瀉
之以鹹奠之歲穀宜玄間穀宜豆雖有火邪不能為害
五之氣自秋分日亥初至小雪日酉初凡六十日有奇

主位太商金客氣陽明金中見木運金氣得位慘令已
行寒露下霜廼早降草木黃落寒氣及體君子周密民
病皮腠宜治陽明之客以酸補之以辛瀉之以苦泄之
歲穀宜玄間穀宜黍則燥不為邪終之氣自小雪日酉
正至大寒日未正凡六十日有奇主位少羽水客氣太
陽水中見木運水當其位寒大舉濕大化霜廼積陰廼
凝水堅冰陽光不治感於寒則病人關節禁固腰膝疼
寒濕持於氣交而為疾也宜治太陽之客以苦補之以

鹹瀉之以苦堅之以辛潤之歲穀宜玄間穀宜稷則寒
不為邪此六氣之常也歲氣之交濕勝則有厥陰之復
寒勝則有太陰之復其治各以其勝復之法

戊寅歲圖



少陽相火司天厥陰風木在泉中見太徵火運歲火大
過氣化運行先天太徵上臨少陽是謂天符之年平火
之歲命曰升明之紀正陽而治德施周普伍化均衡其
氣高其性速其用燔灼其化蕃茂其正明曜其候炎暑
其令熱其類火其應夏其穀麥其果杏其實絡其蟲羽
其畜馬其色赤其味苦其物脈其音徵其數七其在人
也其藏心其主舌其養血其病瞶瘧此運之化也天地
之氣上見少陽左間陽明右間太陰故天氣正而其政

嚴下見厥陰左間少陰右間太陽故地氣擾而其令撓
風廼暴舉木偃沙飛炎火廼流陰行陽化雨廼時應火
木同德上應熒惑歲星其穀丹蒼歲氣之化火化七風
化三正化度也羽蟲靜毛蟲育歲物所宜也倮蟲耗清
毒不生地氣制之也歲半之前天氣少陽主之少陽所至為炎暑
其令暄者少陽之正也歲半之後地氣厥陰主之厥陰
所至為風府風從火化者厥陰之令也風熱慘布雲物
沸騰太陰橫流寒廼時至涼雨並起民病寒中外發瘡

瘍內為泄瀉聖人遇之和而不爭往復之作民病寒熱
瘡泄聾瞶嘔吐上怫腫色變是歲火為天氣木為地氣
風火相值其氣專其化淳又遇火運統之運與天符火
化升明先取化源抑其運火贊其金氣則暴過不生苛
疾不起歲宜鹹寒調其上以辛涼調其下以甘和其中
滲之泄之積之發之運同風熱宜多寒化治之當也初
之氣自丁丑年大寒日申初至是歲春分日午初凡六
十日八十七刻半主位少角木客氣少陰火中見火運


氣與運同地氣遷風勝廼搖寒廼去候廼大溫草木早榮寒來不殺溫病廼起其病氣怫於上血溢目赤欬逆頭疼血崩脇滿膚腠中瘡宜調少陰之客以鹹補之以酸收之歲穀宜丹間穀宜豆二之氣自春分日午正至小滿日辰正凡六十日有奇主位太徵火客氣太陰土中見火運濕土勝火反鬱白埃四起雲趨雨府風不勝濕雨廼零民廼康其病熱鬱於上欬嘔吐瘡發於中胸噤不利頭疼身熱昏憤膿瘡宜治太陰之客以甘補之

以苦瀉之以甘緩之歲穀宜丹間穀宜麻三之氣自小
滿日巳初至大暑日卯初凡六十日有奇主位太徵火
客氣少陽火中見火運歲火當位上為天符下為司氣
天政布炎暑至少陽臨上雨廼涯民病熱中聾瞶血溢
濃瘡欬嘔衄血渴嚏欠喉痺目赤善暴死是歲火氣平
若有水氣承之即不至橫暴經曰相火之下水氣承之
元則害承廼制是也宜調少陽之客以鹹補之以甘瀉
之以鹹乘之歲穀宜丹間穀宜豆是歲也司氣以熱用

熱遠熱四之氣自大暑日卯正至秋分日丑正凡六十
日有奇主位少宮土客氣陽明金中見火運金土相得
涼迺至炎暑間化白露降民氣和平其病滿身重宜調
陽明之客以酸補之以辛瀉之以苦泄之歲穀宜蒼間
穀宜黍五之氣自秋分日寅初至小雪日子初凡六十
日有奇主位太商金客氣太陽水中見火運火本勝金
水反制之寒氣為客陽迺去寒迺來雨迺降氣門迺閉
剛木早凋民病寒邪君子周密宜調太陽之客以苦補

之以醎瀉之以苦堅之以辛潤之歲穀宜蒼間穀宜稷
終之氣自小雪日子正至大寒日戌正凡六十日有奇
主位少羽水客氣厥陰木中見火運火木同德而行順
化地氣正風迺至萬物反生霧霽以行其病關閉不禁心
疼陽氣不藏而欬宜治厥陰之客以辛補之以酸瀉之
以甘緩之歲穀宜蒼間穀宜稷是歲天符為執法火氣
自若有邪氣則中執法民有急卒之病經所謂中執法
者其病速而危也

己卯年歲圖



陽明燥金司天少陰君火在泉中見少宮土運歲土不
及氣化運行後天歲運之氣化上見陽明左間太陽右
間少陽故天氣急而其政切下見少陰左間太陰右間
厥陰故地氣明而其令暴陽專其令炎暑盛行物燥以
堅淳風廼治風燥橫運流於氣交多陽少陰雲趨雨府
濕化廼敷燥極而澤其為氣清熱之氣持於氣交風化
清化勝復同是謂邪氣化度也清化九雨化五熱化七
是謂正化度也金火合德其在天也上應太白熒惑其

在物也歲穀白丹間穀命太徵者歲物所宜則羽蟲育地
氣所制則介蟲耗寒毒不生其耗白甲品羽蟄蟲廼見
流水不冰民病歔噓塞寒熱發暴振慄癢悶清先而動
毛蟲廼死熱後而暴介蟲廼殃然金為天氣火為地氣
火能勝金土運間之其邪廼微天氣微虛宜資其化源
以助金氣兼安其運土無使受邪食白丹之穀以安其
氣間穀以去其邪歲宜以鹹以苦以辛汗之清之散之
運同清氣宜多地化治之常也歲半之前天氣陽明主

之燥淫所勝則木晚榮草迺晚生筋骨內變民病左肘
脇痛寒清於中感而瘡大涼革候欬腹中鳴注泄驚澹
名木歛生苑於下草焦上首心脇暴痛不可反側噤乾
面塵腰痛目昧皆瘍瘡痲癰病本於肝診在足太衝之
脈法宜平以苦溫佐以酸辛以苦下之歲半之後地氣
少陰主之熱淫於內則焰浮川澤陰處反明民病腹中
常鳴氣上衝胸喘不能久立寒熱皮膚痛目瞋齒痛項
腫惡寒發熱如瘧少腹中痛腹大法宜治以鹹酸佐以

甘苦以酸收之以苦發之歲運之化土不及紀曰卑監
是謂減化化氣不令生政獨彰長氣整雨迺愆收氣平
風寒並興草木榮美秀而不實成而糝也其氣散其用
靜定其動瘍涌分潰癰腫其發濡滯其化蕪所不勝四維
有埃雲潤澤之化則春有鳴條鼓折之政若四維發振
拉飄騰之變則秋有肅殺霖霖之復其青四維其藏
脾其病內舍心腹外在肌肉四肢復則收政嚴峻名木
蒼凋胸脇暴痛下引少腹善太息氣客於脾食少味治

宜以甘和調中初之氣自戊寅年大寒日亥初至是歲
春分日酉初凡六十日八十七刻半主位少角木客氣
太陰土中見土運氣與運同風不勝濕地氣遷陰始凝
氣始肅水乃冰寒雨化其病中熱脹面目浮腫善眠鼾嘔
欠嘔小便黃赤甚則淋宜治太陰之客以甘補之以辛
瀉之以甘緩之歲穀宜白間穀宜麻雖有濕邪不能為
害是氣也司氣以涼用涼無犯二之氣自春分日酉正
至小滿日未正凡六十日有奇主位太徵火客氣少陽

火中見土運二火同治陽廼布民廼舒物廼生榮厲大
至民善暴死宜治少陽之客以鹹補之以甘瀉之以鹹
更之歲穀宜白間穀宜豆雖有火邪不能為害三之氣
自小滿日申初至大暑日午初凡六十日有奇主位太
徵火客氣陽明金中見土運火生土土生金下生上天
政布涼廼行燥熱交合燥極而澤民病寒熱宜治陽明之
客以酸補之以辛瀉之以苦泄之歲穀宜白間穀宜黍
雖有燥邪不能為害四之氣自大暑日午正至秋分日

辰正凡六十日有奇主位少宮土客氣太陽水中見土
運土運得位太陽居之寒雨降民病暴仆振慄譖妄少氣
嗑乾引飲及為心疼癰腫瘡瘍瘧寒之疾骨痿血便宜
治太陽之客以苦補之以鹹瀉之以苦堅之以辛潤之
歲穀宜丹間穀宜稷雖有寒邪不能為害五之氣自秋
分日已初至小雪日卯初凡六十日有奇主位太商金
客氣厥陰木中見土運客氣勝運春令反行草廼生榮
民迺和宜調厥陰之客以辛補之以酸收之以甘緩之

歲穀宜丹間穀宜稷雖有風化不能為邪終之氣
自小雪日卯正至大寒日丑正凡六十日有奇主
位少羽水客氣少陰火中見土運氣能生運陽氣
布候反溫蟄蟲來見流水不冰民迺康平其病溫
宜治少陰之客以鹹補之以苦潤之以甘瀉之以
酸收之歲穀宜丹間穀宜豆雖有熱邪不能為害
此乃六氣之常也蓋歲寒之交天氣勝則有少陽
之復地氣勝則有太陽之復治者宜各以其勝復

法治之

太陽寒水司天太陰濕土在泉中見太陽左間厥陰右間
過氣化運行先天天地之氣上見太陽左間厥陰右間
陽明故天氣肅而其政肅下見太陰左間少陽右間
少陰故地氣靜而其令徐寒臨太虛陽氣不令寒政大舉
澤無陽燄則火發待時少陽中治時雨乃涯止極雨散還於
太陰雲朝北極濕化廼布澤流萬物寒敷於上雷動於
下水土合德上應辰星鎮星其穀玄齡歲氣之化寒化
一清化九雨化五正化度也倮蟲育歲物所宜也鱗蟲

不成燥毒不生地氣制之也寒濕之氣持於氣交民病
寒濕發肌肉痿足痿不收濡瀉血溢是歲水為天氣土
為地氣木中金運土能勝水天化為虛金運統之土生
金金生水以下生上天化雖虛氣運相生其邪廼微宜
先資化源以取天氣之虛抑其運金扶其木氣無使暴
過而生其疾食玄齡之穀以全其真避虛邪之氣以安
其正歲宜以苦熱調上以甘熱調下以辛溫調中運同
寒濕以燥熱化治之常也淫勝之氣歲半之前天氣太

陽主之若寒淫所勝則寒氣反至水且冰血變於中發為癰
瘍民病厥心痛嘔血血泄飢飢善悲時眩仆運火炎烈雨
暴廼雷胸腹滿手熱肘攣腋腫心澹澹大動胸脇胃腕不
安面赤目黃善噫嗑乾甚則色炁渴而欲飲病本於心
診在手神門脈法宜平以辛熱佐以甘苦以鹹棄之以甘瀉
之後地氣太陰主之若濕淫於內則埃昏巖谷黃反見
黑至陰之交民病飲積心痛頭痛喉痺陰病血見少腹痛
腫不得小便病衝頭痛目似脫項似拔腰似折髀不可

以曲腠如結胸如別法宜治以苦熱佐以鹹淡以苦燥
之以淡泄之歲運之化金太過者紀曰堅成是謂收引
天氣潔地氣明陽氣隨陰治化燥化其政物以司成收
氣繁布化洽不終其化成其氣削其政肅其令銳切其
德霧露蕭颼其動暴折瘍疰其變肅殺凋零其病喘喝胸憑
仰息其化兼其所勝故曰歲金太過燥氣流行肝木受
邪民病兩脇下小腹痛目赤痛眚瘍耳無所聞肅殺過
甚則體重煩冤胸痛引背兩脇滿且痛引少腹甚而喘

欬逆氣肩背皆痛下連股膝髀腠足皆病收氣峻則
病暴痛肱脇不可反側欬逆甚而血溢診在足太衝脈
其治悉以辛溫調中初之氣自己卯年大寒日寅初至
是歲春分日子初凡六十日八十七刻半主位少角木
客氣少陽火中見金客氣勝運地氣遷氣廼大溫草廼
早榮民廼厲溫病廼作身熱頭疼嘔吐肌腠瘡瘍宜治
少陽之客以鹹補之以甘瀉之以鹹熈之歲穀宜玄間
穀宜豆雖有火邪不能為害二之氣自春分日子正至


小滿日戌正凡六十日有奇主位太徵火客氣陽明金
中見金運氣與運同大涼反至民迺慘草迺遇寒火氣遂
抑民病氣鬱中滿寒迺始宜治陽明之客以酸補之以辛
潤之以苦泄之歲穀宜玄間穀宜黍雖有燥邪不能為
害是氣也無犯司氣之涼三之氣自小滿日亥初至大
暑日酉初凡六十日有奇主位太徵火客氣太陽水中
見金運水勝火天政布寒氣行雨迺降民病寒反熱中
癰疽注下心熱脊悶不治者死宜治太陽之客以苦補

之以鹹瀉之以苦堅之以辛潤之歲穀宜玄間穀宜稷
雖有寒邪不能為害四之氣自大暑日酉正至秋分日
未正凡六十日有奇主位少宮土客氣厥陰木中見金
運木勝土金反制之又遇太陰交司風濕交爭風化為
雨迺長廼化廼成民病大熱少氣肌肉痿足痿注下赤白宜
治厥陰之客以辛補之以酸收之以甘緩之歲穀宜齡
間穀宜稷雖有風邪不能為害五之氣自秋分日申初
至小雪日午初凡六十日有奇主位太商金客氣少陰

火中見金運歲運得位客火勝之陽復化草廼長廼化
廼成民廼舒宜調少陰之客以鹹補之以甘瀉之以酸
收之歲穀宜齡間穀宜豆雖有熟化不能為邪終之氣自
小雪日午正至大寒日辰正凡六十日有奇主位少羽
水客氣太陰土中見金運土生金金生水其化順地氣
正濕令行陰凝太虛埃昏郊野民廼慘悽寒風以至反
者孕乃死宜治太陰之客以甘補之以苦瀉之以甘緩
之歲穀宜齡間穀宜麻雖有濕邪不能為害此六氣之

化也是歲天氣勝者太陰復之地氣勝者厥陰復之其
治皆如勝復之法

辛巳歲圖



厥陰風木司天少陽相火在泉中見少羽水運歲水不
及氣化運行後天天地之氣上見厥陰左間少陰右間
太陽故天政擾而其政撓下見少陽左間陽明右間太
陰故地氣正而其令速風生高遠炎熱從之雲趨雨府
濕化廼行風火同德上應歲星熒惑其穀蒼丹間穀言
太商者其耗文角品羽風燥火熱勝復更作蟄蟲來見
流水不冰熱病行於下風病行於上風燥勝復行於中
雨化風化勝復同邪氣化度也風化三寒化一火化七

正化度也風化為司天苦化在泉玄化為司運柔化清
化為間氣灼化為居氣其在物也毛蟲靜羽蟲育是為
歲物所宜介蟲耗寒毒不生是為地氣所制然歲寒天
化虛地化盈宜資化源以助天氣之木化源雖虛水運
在中水能生木邪廼微也必贊其運水無使邪勝以辛
涼調上以鹹寒調下畏火之氣無妄犯之歲半之前厥
陽主之若風淫所勝則太虛埃昏雲物以擾寒生春氣
流水不冰民病胃撓當心而痛上肢兩脇隔咽不通飲

食不下舌本強食則嘔冷泄腹脹澹泄痼水閉病本於脾診在足衝陽之脈其法平以辛涼佐以苦甘以甘緩之以酸瀉之歲半之後少陽主之若火淫於內則燄明郊野寒熱更至民病注泄赤白少腹疼溺赤甚則血便其法治以鹹冷佐以苦辛以酸收之以苦發之歲運之化水不及紀曰洄流是謂反陽藏令不舉化氣廼昌長氣宣布蟄蟲不藏土潤水泉減草木條茂榮秀滿盛其氣滯其用滲泄其動堅止其發燥槁其主埃鬱昏翳其病

痿厥堅下其化兼所不勝四維有濡潤埃雲之化則不時有和氣生發之應四維發埃昏驟注之變則不時有飄蕩振拉之復其眚北其藏腎其病內舍腰脊骨髓外在谿谷喘膝皆以苦和調中初之氣自庚辰年大寒日已初至是歲春分日卯初凡六十日八十七刻半主位少角木客氣陽明金中見水運金勝木水運間之寒始肅殺氣方至民病寒於右之下宜治陽明之客以酸補之以辛瀉之以苦泄之歲穀宜蒼間穀宜黍二之氣自春

分卯正至小滿日丑正凡六十日有奇主位太徵火客
氣太陽水中見水運氣與運同寒不去華雪水水殺氣
施化霜廼降谷草上焦寒雨數至陽復化民病熱於中
宜治太陽之客以苦補之以鹹瀉之以苦堅之以辛潤
之歲穀宜蒼間穀宜稷是氣也無犯司氣之寒三之氣
自小滿日寅初至大暑日子初凡六十日有奇主位太
徵火客氣厥陰木中見水運氣運之水制火而生木故
天政布風廼時舉民病泣出耳鳴掉眩宜治厥陰之客

以辛補之以酸瀉之以甘緩之歲穀宜蒼間穀宜稷四
之氣自大暑日子正至秋分日戌正凡六十日有奇主
位少宮土客氣少陰火中見水運溽暑濕熱相爭於左
之上民病黃痺而為肘腫宜治少陰之客以鹹補之以
甘瀉之以酸收之歲穀宜丹間穀宜豆五之氣自秋分
日亥初至小雪日酉初凡六十日有奇主位太商金客
氣太陰土中見水運客土刑運燥濕更勝沉陰迺布寒
氣及體風雨迺行宜治太陰之客以甘補之以辛瀉之

以甘緩之歲穀宜丹間穀宜麻終之氣自小雪日酉正
至大寒日未正凡六十日有奇主位少羽水客氣少陽
火中見水運歲運得位而合畏火司令陽廼大化蟄蟲
出見流水不冰地氣大發草廼生人廼舒其病溫厲宜治
少陽之客以酸補之以甘瀉之以鹹熈之歲穀宜丹間
穀宜豆此六氣之化也歲之交天氣勝者則有陽明之
復地氣勝者則有太陽之復觀其勝復者各以其法治
之

壬午歲圖



少陰君火司天陽明燥金在泉中見太角木運歲木太過氣化運行先天熱化為天氣柔化為左間蒼化為司氣故天政所布其氣明辛化為地氣藏化為右間故地氣肅而其令切寒交暑熱加燥雲馳雨府濕化廼行時雨廼降金火合德上應熒惑太白其穀丹白水火寒熱持於氣交而為病熱病生於上清病生於下寒熱相犯而爭於中民病欬喘血溢血泄鼽嚏目赤眚瘍寒厥入胃心痛腰痛腹大噤乾腫上其為化也熱化二風化八

清化四是為正化度也其在物也羽蟲靜介蟲育是廼
歲物所宜毛蟲耗濕毒不生是廼地氣所制歲氣之交
火在天金在地火勝金天氣盈地氣虛木運助火天氣
太盈其盈為勝宜於年前先取化源以平火氣必抑其
運木資其歲勝無使暴過而生其病食白丹之穀以全
真氣食間氣之穀以辟虛邪歲宜醎以熈之而調其上
甚則以苦發之以酸收之而安其下甚則以苦泄之運
同天運以寒清化故曰其化上醎寒中酸涼下酸溫藥

食宜歲半之前少陰主之熱淫所勝則怫熱至火行其
令民病胸中煩熱嗌乾右胠滿皮膚痛寒熱欬喘大雨
且至唾血血泄飢嘔噎溺色變甚則瘡瘍肘腫肩背臂臑
及缺盆中痛心痛肺臑腹大滿膨脹而喘欬病本於肺診
在手尺澤脈法宜平以鹹寒佐以苦甘以酸收之歲半
之後陽明主之燥淫於內則霧霧清瞑民病喜嘔嘔有
苦善太息心脇痛不能反側甚則嗌乾面塵身無膏澤
足外及熱法宜治以苦溫佐以甘辛以苦下之歲運之

化木太過紀曰發生是謂啟陳土踈洩蒼氣達陽和布化
陰氣廼隨生氣淳化萬物以榮其化生其氣美其政散
其令條舒其動掉眩顛疾其德鳴靡啟拆其變振拉摧
拔其病怒其化兼其所勝故歲木太過風氣流行脾土
受邪民病飧泄食減體重煩冤腸鳴腹支滿甚則忽忽善
怒眩冒顛疾化氣不正生氣獨治雲物飛動草木不寧
甚而搖落反脇疼而吐甚診在足衝陽之脈其治宜以
酸涼初之氣自辛巳年大寒日申初至是歲春分日午

初凡六十日八十七刻半主位太角木客氣太陽水中
見木運歲運當位寒水居之地氣遷燥將去寒廼始蟄
復藏水廼冰霜復降風迺至陽氣鬱民反周密關節禁
固腰膂痛炎暑將起中外瘡瘍宜治太陽之客以苦補
之以鹹瀉之以苦堅之以辛潤之歲穀宜丹間穀宜稷
雖有寒邪不能為害二之氣自春分日午正至小滿日
辰正凡六十日有奇主位少徵火客氣厥陰木中見木
運氣與運同陽氣布風廼行春氣以正萬物應榮寒氣


時至民廼和具病淋目瞋目赤氣鬱於上而熱宜治厥陰之客以辛補之以酸瀉之歲穀宜丹間穀宜稷雖有風化不能為邪三之氣自小滿日已初至大暑日卯初凡六十日有奇主位少徵火客氣少陰火中見木運火居火位木化資之天政布大火行庶類蕃鮮寒氣時至民病氣厥心痛寒熱更作欬喘目赤宜治少陰之客以鹹補之以甘瀉之以酸收之歲穀宜丹間穀宜豆雖有熱邪不能為害四之氣自大暑日卯正至秋分日丑正

凡六十日有奇主位太宮土客氣太陰土中見木運土
居其位溽暑至大雨時行寒熱互至民病寒熱噤乾黃
痺軌衄飲發宜治太陰之客以甘補之以苦瀉之以苦
緩之歲穀宜丹間穀宜麻雖有濕化不能為邪五之氣
自秋分日寅初至小雪日子初凡六十日有奇主位少
商金客氣少陽火中見木運木生火畏火臨暑反至陽
迺化萬物迺生迺長迺榮民迺康其病溫宜治少陽之客
以酸補之以甘瀉之以鹹熅之歲穀宜白間穀宜豆雖

有炎邪不能為害終之氣自小雪日子正至大寒日戌正凡六十日有奇主位太羽水客氣陽明金中見木運金勝木燥令行餘火內格腫於上欬喘甚則血溢寒氣數舉則霧靄翳病生皮腠內舍於脇下連少腹而作寒中地將易也宜治陽明之客以酸補之以辛瀉之以苦泄之歲穀宜白間穀宜稷雖有燥邪不能為害此六氣之交熱氣勝者必有太陽之復燥氣勝者必有

少陽之復為法

癸未歲圖



太陰濕土司天太陽寒水在泉中見少徵火運歲火不及氣化運行後天濕化為天氣丹化為司氣灼化為居象故地氣上騰陰專其政而其政肅臧化為地氣動化為左間清化為右間故天氣下降陽氣退避而其令寂大風時起原野昏濛白埃四起雲奔南極物成於差夏濕寒合德黃黑埃昏流行氣交上應鎮星辰星其穀齡玄間穀命太角者寒化雨化勝復同邪氣化度也雨化五火化二寒化六正化度也陰凝於上寒積於下寒水

勝火則為冰雹陽光不治殺氣廼行保蟲靜鮮蟲育是為歲物所宜羽蟲不成熱毒不生是為地氣所制故有餘宜高不及宜下有餘宜晚不及宜早氣之化也民氣亦從之其病寒濕腹滿身臃憤肘腫痞逆寒厥拘急是歲濕土在上寒水在下土能制水天氣盈地氣虛宜取化源以平土氣益其歲寒無使邪勝食玄穀之穀以全其真食間氣之穀以保其精歲宜以苦燥之溫之甚者發之泄之不發不泄則濕氣外溢肉潰皮拆而水血交

流必贊其陽火令禦甚寒運異寒濕其化宜少用燥熱
故曰其化上苦熱中鹹溫下甘熱藥食宜也歲半之前
太陰主之濕淫所勝則沉陰且布雨變枯槁民病肘腫
骨痛陰痺陰痺者按之不得腰脊頭項痛時眩大便難
陰氣不用飢不欲食欬唾則有血心如懸病本於腎診
在足太谿之脈法當平以苦熱其濕上甚則熱治以苦
溫佐以甘辛以汗為效而止歲半之後太陽主之寒淫
於內則凝肅慄慘民病少腹控臑引腰脊上衝心痛血

見嗌疼額腫法宜治以甘熱佐以苦辛以鹹瀉之以辛
潤之以苦堅之歲運之化火不及紀曰伏明是謂勝長
長氣不宣藏氣反布收氣自政化令廼衡寒清數舉暑
氣廼薄承化物生生而不長成實而稚遇化已老陽氣
屈伏蟄蟄藏其氣鬱其用暴其動彰伏變易其發痛其
病昏惑悲忘其化兼所不勝夏有炳明光顯之化則冬
有嚴肅霜寒之政若夏有慘悽凝烈之勝則不時有埃
昏大雨之復其胄南其藏心其病內舍膺脇外在經絡

故曰歲火不及寒廼盛行長政不用物榮而下凝慘而甚則陽氣不化廼折榮美民病胸中痛肢滿兩脇痛膺背肩脾間及兩臂內痛甚則屈不能伸髀髀如別復則大雨且至民病驚漚腹滿食飲不下寒中腸鳴泄注腹痛暴攣痿痺足不任身其法悉以醎溫調中初之氣自壬午年大寒日亥初至是歲春分日酉初凡六十日八十七刻半主位太角木客氣厥陰木中見火運風木得位地氣遷寒廼去春氣正風廼來生布萬物以榮民氣

條舒風濕相薄雨廼後民病血溢筋絡拘強關節不利
身重筋痠宜調厥陰之客以辛補之以酸瀉之以甘緩
之歲穀宜齡間穀宜稷雖有風化不能為邪二之氣自
春分日酉正至小滿日未正凡六十日有奇主位少徵
火客氣少陰火中見火運君火自居其位不司氣化是
謂灼化大火正物承化民廼和其病溫厲盛行遠近咸
若熱濕蒸相薄雨廼時降宜調少陰之客以鹹補之以甘
瀉之以酸收之歲穀宜齡間穀宜豆雖有熱化不能為


邪三之氣自小滿日申初至大暑日午初凡六十日有
奇主位少徵火客氣太陰土中見火運歲火當位濕化
鬱之天政布濕氣降地氣騰雨迺時降寒迺隨之感於
寒濕則民病身重肘腫胸腹滿宜治太陰之客以甘補
之以苦瀉之以甘緩之歲穀宜粳間穀宜麻雖有溫邪
不能為害四之氣自大暑日午正至秋分日辰正凡六
十日有奇主位太宮土客氣少陽火中見火運氣與運
合畏火臨溽蒸化地氣騰天氣否隔寒風曉暮蒸熱相薄草

木凝煙濕化不流則白露陰布以成秋令民病腠理熱
血暴溢瘡心腹滿熱臚脹甚則肘腫宜治少陽之客以
鹹補之以甘瀉之以鹹更之歲穀宜玄間穀宜豆雖有
火邪不能為害是氣也無犯司氣之熱五之氣自秋分
日已初至小雪日卯初凡六十日有奇主位少商金客
氣陽明金中見火運運與位同慘令已行寒露下霜延
早降草木黃落寒氣及體君子周密民病皮膚腠宜調陽
明之客以酸補之以辛瀉之以苦泄之歲穀宜玄間穀

宜黍雖有火化不能為邪終之氣自小雪日卯正至大
寒日丑正凡六十日有奇主位太羽水客氣太陽水中
見火運水當其位而能勝火寒大舉濕大化霜廼積陰
廼凝水堅冰陽光不治感於寒則病人關節禁固腰脛
痛寒熱持於氣交而為疾也宜調太陽之氣以苦補之
以鹹瀉之以苦堅之以辛潤之歲穀宜玄間穀宜稷雖
有寒化不能為邪此六節之氣也氣交之化天氣勝者
則有厥陰之復地氣勝者則有太陰之復各以其復法

治也

藥



普濟方卷八

欽定四庫全書

子部
普濟方卷十九

詳校官太醫院吏目_臣周世泰

編修_臣倉聖脈覆勘

總校官原任中允_臣王燕緒

校對官中書_臣牛稔文

謄錄監生_臣王宜

欽定四庫全書


普濟方卷九

明

周王朱橚撰

運氣圖

甲申歲圖



少陽相火司天厥陰風木在泉中見太宮土運歲土太過氣化運行先天火化為天氣清化為左間齡化為司氣故天氣正而其政嚴酸化為地氣灼化為居氣藏化為右間故地氣擾而其令撓風迺暴舉木偃沙飛炎火迺流陰行陽化雨迺時應火木同德上應熒惑歲星其穀丹蒼故風熱參布雲物沸騰太陰橫流寒迺時至涼雨並起雨化五風化八正化度也羽蟲靜毛蟲育歲物之宜也倮蟲耗清毒不生地氣制之也民感其氣者其病寒中外

發瘡瘍內為泄滿聖人遇之和而不爭往復之作民病
寒熱瘧泄聾瞶嘔吐上沸腫色變是歲陽為天氣陰為地
氣中見土運木生火火生土下生上天氣盈宜於年前
先取化源以平天氣之火抑其運土贊所不勝暴過不
生苛疾不起歲宜辛宜酸滲之泄之漬之發之運異風
熱少運寒化其化上鹹寒中酸和下辛涼藥食宜也歲
半之前少陽主之火淫所勝則溫氣流行金政不平民
病頭痛發熱惡寒而瘧熱上皮膚痛色變黃赤傳而為

水身面胗腫腹滿仰息泄注赤白瘡瘍欬唾血煩心胸
中熱甚則飢餒病本于肺診在手天府之脈法宜平以
鹹冷佐以苦甘以酸收之以苦發之以酸復之歲半之後
厥陰主之木能勝土地氣制運風淫于內地氣不明平
野昧草迺早秀民病灑灑振寒善呻數欠心痛支滿兩
脇裏急飲食不下膈咽不通食則嘔腹脹善噫得後與
氣快然如衰身體皆重宜治以辛以甘緩之以辛散之
歲運之化主太過紀曰敦阜是謂廣化厚德清靜順長

以盈至陰內實物化充成煙埃朦鬱見於厚土大雨時行
濕氣迺用燥正迺辟其化圓其氣豐其政靜其令周備
其動濡積并穡其德柔潤重淖其變震驚飄驟其化蕪
其所勝其病腹滿四肢不舉故曰歲土太過雨濕流行
腎水受邪民病腹痛清厥意不樂體重煩冤甚則肌肉
萎足痿不收行善瘕脚下痛飲發中滿食減四肢不舉
變生得位風雨大至其病腹滿溇泄腸鳴反下其診在
足太谿之脉其法治以醎和初之氣自癸未年大寒寅

初至是歲春分日子初凡六十日八十七刻半主位太
角木客氣少陰火中見土運木生火地氣遷風勝廼搖
寒廼大溫草木早榮寒來不殺溫病乃起其病氣怫於上
血溢目赤欬逆頭痛血崩脇滿膚腠中瘡宜治少陰之
客以醎補之以甘瀉之以酸收之歲穀宜丹間穀宜豆
二之氣自春分日子正至小滿日戌正凡六十日有奇主
位少徵火客氣太陰土中見土運氣與運同火反鬱白
埃四起雲趨雨府風不勝濕雨廼零民廼康其病熱鬱

於上欬逆嘔吐瘡發於中胸噎不利頭痛身熱昏憤膿瘡宜治太陰之客以甘補之以苦瀉之以甘緩之歲穀宜蒼間穀宜麻是氣也用涼遠涼無犯司氣之涼三之氣自小滿日亥初至大暑日酉初凡六十日有奇主位少徵火客氣少陽火中見土運火當其位天政布炎暑至少陽臨上雨迺涯民病熱中聾瞑血溢膿瘡欬嘔衄血渴嚏欠喉痺目赤善暴死宜治少陽之客以鹹補之以甘瀉之以鹹熯之歲穀宜丹間穀宜豆四之氣自大暑

日酉正至秋分日未正凡六十日有奇主位太宮土客
氣陽明金中見土運歲土得位與金相生涼迺至炎暑間
化白露降民氣和平其病滿身重宜治陽明之客以酸
補之以辛瀉之以苦泄之歲穀宜蒼間穀宜黍五之氣
自秋分日申初至小雪日午初凡六十日有奇主位少
商金客氣太陽水中見土運金生水陽迺去寒迺來雨
迺降氣門迺閉剛木早凋民病寒邪君子周密是歲土運
制之寒邪迺微宜治太陽之客以苦補之以鹹乘之以

苦堅之以辛潤之歲穀宜蒼間穀宜稷終之氣自
小雪日午正至大寒日辰正凡六十日有奇主位
太羽水客氣厥陰木地氣正風迺至萬物反生霧
霧以行其病關閉不禁心痛陽氣不藏而欬宜治
厥陰之客以辛補之以鹹潤之以酸瀉之以甘緩
之歲穀宜丹間穀宜稷六氣之治此其道也若乃
歲氣之交有勝氣者必有復氣天氣火勝者當有
太陽之復氣地氣風勝者當有陽明之復氣各依

其復法治之

乙酉歲圖



陽明燥金司天少陰君火在泉中見少商金運歲金不及氣化運行後天少商之金不及而同天化是謂天符又金運臨酉是謂歲會上與天符下與歲會三合為治名曰太乙天符氣至平也平金之歲紀曰審平收而不爭殺而無犯五化宣明其氣潔其性剛其用散落其化堅歛其政勁肅其候清切其令燥其類金其應秋其穀稻其果桃其實殼其蟲介其畜鷄其色白其味辛其音商其數九其物外具在人也在其藏肺其主鼻其養皮毛

其病欬此運化也天地之氣為燥化左間為藏化右間為明化故天氣急而其政切地氣為苦化左間為柔化右間為動化故地氣明而其令暴陽專其令炎暑盛行物燥以堅淳風迺治風燥橫運流於氣交多陽少陰雲趨雨府濕化迺敷燥極而澤蟄蟲迺見流水不冰金火合德上應太白熒惑其穀白丹間穀命太商者其耗白甲品羽故曰熱化氣化勝復同邪氣化度也燥化四清化四熱化二正化度也歲物之宜則介蟲靜羽蟲育地氣

所制也則介蟲耗寒毒不生是以清熱之氣持於氣交
清先而勁毛蟲迺死熱後而暴介蟲迺殛其發燥民病
欬噎塞寒熱發暴振慄癰悶歲半之前陽明主之其化
燥者天之政也歲半之後少陰主之其令熱者地之化
也金為天氣火為地氣火能勝金過太乙天符命象自
平不資化源惟安其運金無使受邪食白丹之穀以安
其氣食間氣之穀以去其邪歲宜以鹹以苦以辛汗之
清之散之其運同清宜多地化其化上苦小溫中苦和

下臧寒藥食之宜也初之氣自甲申年大寒日巳初至是歲春分日卯初凡六十日八十七刻半主位大角木客氣太陰土中見金運土金相生地氣遷陰始疑氣始肅水迺冰寒雨化其病中熱脹面目浮腫善眠鼾衄嚏欠嘔小便黃赤甚則淋宜治太陰之客以甘補之以苦瀉之以甘緩之歲穀宜白間穀宜麻雖有濕化不能為邪二之氣自春分日卯正至小滿日丑正凡六十日有奇主位少徵火客氣少陽火中見金運二火相加陽迺

布民迺舒物迺生榮厲大至民善暴死是歲金氣平雖有厲疾不至天橫宜治少陽之客以鹹補之以甘寫之以鹹栗之歲穀宜白間穀宜豆穀有火化不能為邪三之氣自小滿日寅初至大暑日子初凡六十日有奇主位少徵火客氣陽明金中見金運天符金氣迺平天政布涼迺行燥熱交合燥極而澤民病寒熱宜調陽明之客以酸補之以辛瀉之以苦泄之歲穀宜白間穀宜黍雖有燥化不能為邪是氣也用涼遠涼無犯司氣之涼四之

氣自大暑日子正至秋分日戌正凡六十日有奇主位
太宮土客氣太陽水中見金運金水相生寒雨降病暴
仆振慄譫妄少氣噎乾引飲及為心痛癰腫瘡瘍瘰癧
之疾骨痿血便宜治太陽之客以苦補之以鹹瀉之以
苦堅之以辛潤之歲穀宜丹間穀宜稷雖有寒化不能
為邪五之氣自秋分日亥初至小雪日酉初凡六十日
有奇主位少商金客氣厥陰木中見金運歲運當位其
氣平厥陰居之春令反行草迺生榮民迺和宜調厥陰

之客以辛補之以酸瀉之以甘緩之歲穀宜丹間穀宜稷雖有風化不能為邪終之氣自小雪日酉正至大寒日未正凡六十日有奇主位太羽水客氣少陰火中見金運火能勝金陽氣布候反溫蟄蟲來見流水不冰民迺康平其病溫宜治少陰之客以鹹補之以甘緩之以酸收之歲穀宜丹間穀宜豆雖有熱化不能為邪此六氣之常也治之大法和者平之客安其氣必清必靜則邪氣自衰歸其所宗此治之大體也

丙戌歲圖



太陽寒水司天太陰濕土在泉中見太羽水運歲水太
過氣化運行先天太過而同天化是謂天符平水歲也
水運平者命曰靜順之紀歲而勿害治而善下五化咸
整其氣明其性下其用沃衍其化凝堅其政流演其候
凝肅其令寒其類水其應冬其穀豆其果栗其實濡其
蟲鱗其畜彘其色黑其味鹹其音羽其數六其物濡其
在人也其藏腎其主二陰其養骨髓其病厥此歲運之
化也天地之氣寒化司天動化司氣動化為左間清化

為右間故天政所布其氣肅甘化在泉明化為左間灼
化居氣為右間故地氣靜而其令徐寒臨太虛其政大
舉陽氣不令澤無陽燄則發火待時少陽中治時雨迺
涯止極雨散還于太陰雲朝北極濕化迺布澤流萬物
寒化六雨化五正化度也鱗蟲靜保蟲育歲物之宜也
鱗蟲不成燥毒不生地氣制之也寒敷於上雷動于下
水土合德上應辰星鎮星其穀玄齡寒濕之氣持於氣
交民病寒濕發飢肉萎足痿不收濡瀉血溢是歲水在

上土在下土能勝水天氣虛水運符天其氣自平不資
化源惟抑運水扶其不勝無使暴過而生其疾歲宜以
苦燥之溫之食玄齡之穀以全真避虛邪之氣以安其
正運與寒同宜燥熱化故曰其化上苦熱中鹹溫下甘
熱藥食宜也歲半之前太陽主之有本標之化當其時
寒熱得中者天之和氣至也歲半之後太陰主之太陰
之化從本當其時濕化應者地之令也初之氣自乙酉
年大寒日申初至是歲春分日午初凡六十日八十七


刻半主位太角木客氣少陽火中見水運少陽中治地
氣遷氣迺大溫草迺早榮民迺厲溫病迺作身熱頭痛
嘔吐肌腠瘡瘍宜調少陽之客以酸補之以甘瀉之以
鹹棄之歲穀宜玄間穀宜豆則火不為邪二之氣自春
分日午正至小滿日辰正凡六十日有奇主位少徵火
客氣陽明金中見水運天涼反至民迺慘草迺遇寒火
氣遂抑民病氣鬱中滿寒迺始宜調陽明之客以酸補
之以辛瀉之以苦泄之歲穀宜玄間穀宜黍則燥不為

邪三之氣自小滿日巳初至大暑日卯正凡六十日有奇主位少徵火客氣太陽水中見水運氣與運相符而天政布寒氣行雨迺降民病寒反熱中癰疽主下心熱脅悶不治者死宜調太陽之客以苦補之以酸瀉之以鹹堅之以辛潤之歲穀宜玄間穀宜稷則寒不為邪是歲氣也用寒遠寒無犯司氣之寒四之氣自大暑日卯正至秋分日丑正凡六十日有奇主位太宮土客氣厥陰木中見水運水生木風濕交爭風化為雨迺長迺化迺成民病大熱少

氣肌肉萎足痿注下赤白宜調厥陰之客以辛補之以
酸瀉之以甘緩之歲穀宜齡間穀宜稷則風不為邪五
之氣自秋分日寅初至小雪日子初凡六十日有奇主
位少商金客氣少陰火中見水運大火所居陽復化草
迺長迺化迺成民迺舒宜調少陰之客以鹹補之以甘
瀉之以酸收之歲穀宜齡間穀宜豆則熱不為邪終之
氣自小雪日子正至大寒日戌正凡六十日有奇主位
太羽水客氣太陰土中見水運得位濕土居之地氣正

濕令行陰疑太虛埃昏郊野民迺慘悽寒風以至反者
孕迺死宜調太陰之客以甘補之以苦瀉之以甘緩之
歲穀宜齡間穀宜麻則濕不為邪此六氣之化也歲行
平水之化天符為執法邪或中之民有卒急之病經曰
中執法者病速而危也

丁亥歲圖



厥陰風木司天少陽相火在泉中見少角木運歲木不及上角與正角同又木不及而同天化是謂天符氣化運行同天木氣適平命曰敷和之紀木德周行陽氣舒布五化宣平其氣端其性隨其用曲直其化生榮其政發散其候溫和其令風其類草木其應春其穀麻其果李其實核其蟲毛其畜犬其色蒼其味酸其音角其數八其物中堅其也在人也其藏肝其主目其養筋其病裏急肢滿此歲運之化也歲氣之化上見厥陰左間少陰右

間太陽故天氣擾而其政撓下見少陽左間陽明右間
太陰故地氣正而其令速風生高遠炎熱從之雲趨雨
府濕化迺行風火同德上應歲星榮惑其穀丹蒼間穀
言太商之穀其耗文角品羽清化熱化勝復同邪氣化
度也風化三火化七正化度也毛蟲靜羽蟲育是迺歲
物所宜介蟲耗寒毒不生是皆地氣所制故風燥火熱
勝復更作蟄蟲來見流水不冰熱病行於下風病行於
上風燥勝復化於中是歲陰為天氣陽為地氣天氣虛

木運符之又木火同德其氣專不資化源惟贊運木無使邪勝歲宜以辛調上以醎調下畏火之氣無妄犯之故曰其化上辛涼中辛和下醎寒藥食宜也歲半之前天氣主之故天布厥陰之政其令風歲半之後地氣主之地行少陽之令其化火氣化之常也初之氣自丙戌年大寒日亥初至是歲春分日酉初凡六十日八十七刻半主位少角木客氣陽明金中見木運歲運得位金燥客之寒始肅殺氣方至民病寒於右之下宜調陽明


之客以酸補之以辛瀉之以苦泄之歲穀宜蒼間穀宜
黍則燥不為邪二之氣自春分日酉正至小滿日未正
凡六十日有奇主位太徵火客氣太陽水中見木運寒
不去華雪水水殺氣施化霜迺降谷草上焦寒雨數至
陽復化民病熱於中宜調太陽之客以苦補之以鹹瀉
之以苦堅之以辛潤之歲穀宜蒼間穀宜稷則寒不為
邪三之氣自小滿日申初至大暑日午初凡六十日有奇
主位太徵火客氣厥陰木中見木運與天符天政布風

迺時舉民病泣出耳鳴掉眩宜調厥陰之客以辛補之
以酸瀉之以甘緩之歲穀宜蒼間穀宜稷則風不為邪
是氣也用溫遠溫無犯司氣之溫四之氣自大暑日午
正至秋分日辰正凡六十日有奇主位少宮土客氣少
陰火中見木運濇暑濕熱相薄爭於左之上民病黃瘡
而為肘腫宜調少陰之客以鹹補之以甘瀉之以酸收
之歲穀宜丹間穀宜豆則熱不為邪五之氣自秋分日
已初至小雪日卯初凡六十日有奇主位太商金客氣

太陰土中見木運燥濕更勝沈陰迺布寒氣及體風雨
迺行宜調太陰之客以甘補之以苦瀉之以甘緩之歲
穀宜丹間穀宜麻則濕不為邪終之氣自小雪日卯正
至大寒日丑正凡六十日有奇主位少羽水客氣少陽
火中見木運木生火畏火司令陽迺大化蟄蟲出見流
水不冰地氣大發草迺生人迺舒其病溫癘宜調少陽
之客以鹹補之以甘瀉之以鹹與之歲穀宜丹間穀宜
豆則火不為邪此六氣之化也歲為平木或有邪氣則

中執法人有急卒之病經曰中執法者其病速而危也

戊子歲圖



少陰君火司天陽燥金在泉中見太微火運歲火太過
氣化運行先天太過而同天化是謂天符氣之平也平
火之歲命曰升明之紀正陽而治德施周普五化均衡
其氣高其性速其用燔灼其化蕃茂其政明曜其候炎
暑其令熱其類火其應夏其穀麥其果杏其實絡其蟲
羽其畜馬其色赤其味苦其物脉其音徵其數七其在
人也其藏心其主舌其養血其病瞶瘧此歲運之化也
天地之氣熱化司天柔化左間動化右間故天政所布

其氣明辛化在泉蔽化司氣為左間丹化司氣為右間
故地氣肅而其令切寒交暑熱加燥雲趨雨府濕化迺
行時雨迺降金火合德上應熒惑太白其穀丹白熱化
七清化九正化度也羽蟲靜介蟲育歲物所宜也毛蟲
耗濕毒不生地氣制之也水火寒熱持於氣交而為病
始熱病生於上寒病生於下寒熱相犯而爭於中民病欬喘血
溢血泄軌嚏目赤皆瘍寒厥入胃心痛腰痛腹痛大噤乾腫上
是歲火在上金在下火在中火勝金天氣盈地氣虛天

氣雖平熱盛於上宜於年前先取化源平其火氣必抑其運火資其歲勝折其金之鬱氣無暴過而生其病食丹白之穀以全其真食間氣之穀以辟虛邪歲宜以鹹炙之而調其上以鹹收之而安其下運同天氣以寒清化故曰其化上鹹寒中甘寒下酸溫藥食宜也歲半之前少陰主之少陰有本標之化也寒熱得中為天政之平也歲半以後陽明主之陽明以中氣為化燥濕相半者地之令和也初之氣自丁亥年大寒日寅初至是歲春分

日子初凡六十日八十七刻半主位少角木客氣太陽
水中見火運火勝火地氣遷燥將去寒迺始蟄復藏水
迺水霜復降風迺至陽氣鬱民反周密關節禁固腰膝
痛炎暑將起中外瘡瘍宜調太陽之客以苦補之以鹹
瀉之以苦堅之以辛潤之歲穀宜丹間穀宜稷則寒不
為邪二之氣自春分日子正至小滿日戌正凡六十日
有奇主位太徵火客氣厥陰木中見火運木火相生陽
氣布風迺行春氣以正萬物應榮寒氣時至民迺和其

病淋目瞑目赤氣鬱於上而熱宜調厥陰之客以辛補之以酸瀉之以甘緩之歲穀宜丹間穀宜稷則風不為邪三之氣自小滿日亥初至大暑日酉初凡六十日有奇主位太徵火客氣少陰火中見火運氣與運符天政布大火行庶類蕃鮮寒氣時至民病氣厥心痛寒熱更作喘欬目赤宜調少陰之客以鹹補之以甘瀉之以酸收之歲穀宜丹間穀宜豆則熱不為邪四之氣自大暑日酉正至秋分日未正凡六十日有奇主位少宮土客氣

太陰土中見火運土當其位火化兼之溽暑至大雨時
行寒熱互至民病寒熱噤乾黃瘠衄衄飲發宜調太陰
之客以甘補之以苦瀉之以甘緩之歲穀宜白間穀宜
麻則熱不為邪五之氣自秋分日申初至小雪日午初
凡六十日有奇主位太商金客氣少陽火中見火運氣
同運化畏火臨暑反至陽迺化萬物迺生迺長榮民迺
康其病溫宜調少陽之客以寒補之以甘瀉之以鹹栗
之歲穀宜白間穀宜豆則火不為邪是氣也用熱遠熱

無犯司氣之熱終之氣自小雪日午正至大寒日辰正
凡六十日有奇主位少羽水客氣陽明金中見火運火
勝金水反制之燥令行餘火內格腫於上欬喘甚則血
溢寒氣數舉則霧霧翳病生皮腠內舍於脅下連小腹
而作寒中地將易也宜調陽明之客以酸補之以辛瀉
之以苦泄之歲穀宜白間穀宜黍則燥不為邪此六氣
之化也歲氣之交宜扶其不足制其有餘使氣適平然
是歲天符為執法若有邪中執法者民病速而危也

己丑歲圖



太陰濕土司天太陽寒水在泉中見少宮土運歲土不
及上宮正宮同少宮上臨太陰是為天符土運臨丑是
為歲會上見天符下見歲會三合為治太一天符之歲
氣至平也命曰脩化之紀氣協天休德流四政五化齊
修其氣平其性順其用高下其化豐滿其政安靜其候
溽蒸其令濕其數土其應長夏其穀稷其果棗其實肉
其蟲裸其畜牛其色黃其味甘其物膚其音宮其數五
其在人也在脾其主口其養肉其病痞此歲運之化

也歲運之化濕化司天明化間左灼化居右地氣上騰
而其政肅鹹化在泉動化間左清化間右故天氣下降
而其令寂陰專其政陽氣退避大風時起原野昏霧白
埃四起雲奔南極寒雨數至物成於差夏濕寒合德黃黑
埃昏流行氣交上應鎮星辰星其穀齡玄間穀命太商
太徵者物成於差夏故陰凝於上寒積於下寒水勝火
則為冰電陽光不治殺氣通行有餘宜高不及宜下有餘
宜晚不及宜早土之利氣之化也民氣亦從之其病寒

濕腹滿身臃憤肘腫痞逆寒厥拘急故曰風化清化勝
復同邪氣化度也雨化五寒化一正化度也保蟲靜鱗
蟲育歲物所宜也羽蟲耗熱毒不生地氣制之也是歲
土在上水在下土勝水天氣盈當取化源歲遇天一天符
其氣至平不取化源為折其水鬱益其歲贊其陽火令
禦甚寒無使邪勝食玄黔之穀以全其真食間氣之穀
以保其精歲宜以苦燥之溫之運與濕同宜以燥化故
曰其化上苦熱中甘和下甘熱藥食宜也歲半之前其


政濕歲半之後其令寒初之氣自戊子年大寒日巳初至是歲春分日卯初凡六十日八十七刻半主位少角木客氣厥陰木中見土運木當其位地氣遷寒廼去春氣正風廼來生布萬物以榮民氣條舒風濕相薄雨廼後民病血溢筋絡拘強關節不利身重筋痿宜調厥陰之客以辛補之以酸瀉之以甘緩之歲穀宜黔間穀宜稷則風不為邪二之氣自春分日卯正至小滿日丑正凡六十日有奇主位太徵火客氣少陰火中見土運大

火正物承化民迺和其病溫癘盛行遠近咸若濕蒸相
薄雨迺時降宜調少陰之客以鹹補之以甘瀉之以酸
收之歲穀宜丹間穀宜豆則熱不為邪三之氣自小滿
日寅初至大暑日子初凡六十日有奇主位太徵火客
氣太陰土中見土運氣與運同而行平氣天政布濕氣
降地氣騰其病濕蒸相薄宜調太陰之客以酸補之以
甘瀉之以鹹調之歲穀宜稷則濕不為邪四之氣自大
暑日子正至秋分日戌正凡六十日有奇主位少宮土

客氣少陽火中見土運天氣否隔寒風曉暮蒸熱相薄
草木凝煙濕化不流則白露陰布以成秋令民病腠理
熱血暴溢瘡心腹滿熱臚脹甚則腑腫宜調少陽之客
以酸補之以甘瀉之以鹹雲之歲穀宜玄間穀宜豆則
火不為邪五之氣自秋分日亥初至小雪日酉初凡六
十日有奇主位太商金客氣陽明金中見土運土生金
金得位慘令已行寒露下霜迺早降草木黃落寒氣及
體君子周密民病皮腠宜調陽明之客以酸補之以苦瀉

之以苦泄之歲穀宜白間穀宜黍則燥不為邪終之氣
小雪日酉正至大寒日未正凡六十日有奇主位少羽
水客氣太陽水中見土運水當其位濕寒合德寒大舉
濕大化霜迺凝水堅冰陽光不治感於寒則病人關節
禁固腰膝痛寒濕持於氣交而為疾也宜調太陽之客
以苦補之以鹹瀉之以苦堅之以辛潤之歲穀宜玄間
穀宜稷則寒不為邪此六氣之化也氣交之化歲有水
鬱當隨勝氣安其屈伏無間其數以平為期此其道也

庚寅歲圖



少陽相火司天厥陰風木在泉中見太商金運歲金太過氣化運行先天火化為天氣素化司氣為左間柔化為右間故天氣正而其令嚴酸化為地氣灼化居氣為左間歲化為右間故地氣擾而其令撓風迺暴舉木偃沙飛炎火迺流陰行陽化雨迺時應風熱參布雲物沸騰太陰橫流寒迺時至涼雨並起火木同德上應熒惑歲星其穀丹蒼火化七清化九風化三正化度也羽蟲靜毛蟲育是謂歲物之宜倮蟲耗清毒不生是地氣

所制民病寒中外發瘡瘍內為泄滿聖人遇之和而不
爭往復之作民病寒熱瘧泄聾瞑嘔吐上怫腫色變是
歲陽為地氣金運在中天氣刑運運刑地氣天氣陰地氣
虛當於年前先取原以平火氣無使運鬱次抑其運金
贊所不勝無使木鬱折其鬱氣則暴過不生苛疾不起
歲宜醎宜辛宜酸滲之泄之漬之發之運異風熱少用
寒化其化上醎寒中辛溫下辛涼藥食宜也候其氣者
歲半之前少陽主之若火淫所勝則溫氣流行金政不

平民病頭疼發熱遇寒而瘡熱上皮膚痛色黃赤傳而為水身面肘腫腹滿仰息泄注赤白瘡瘍欬喘血煩心胸熱甚則軌衄病本于肺診在手天府之脉法宜平以臑冷佐以苦甘以酸收之以苦發之以酸補之歲半之後厥陰主之若風淫于內則地氣不明平野昧草迺早秀民病灑灑振寒善呻數欠心疼肢滿兩脇裏急飲食不下隔咽不通食則嘔腹脹善噫得後與氣則快然如衰身體皆重法宜治以辛涼佐以苦甘以苦泄之以甘

緩之以辛散之歲運之化金太過紀曰堅成是謂收引
天氣潔地氣明陽氣隨陰治化燥行其政物以司成收
氣繁布化洽不終其化成其氣削其政肅其令銳切
其動暴折瘍症其德霧露蕭颼其變肅殺凋零其化
蕪其所勝其病喘喝胸憑仰息上微與正商同其眚
西其病欬故曰歲金太過燥氣流行肝木受邪民病
兩脇下少腹痛目赤痛眚瘍耳無所聞甚則喘欬逆
氣肩背痛下連股膝髀腠胫足皆病其治宜以辛溫

初之氣自己丑年大寒日申初至是歲春分日午初凡六
十日八十七刻半主位少角木客氣少火中見金運火
勝金地氣遷風勝迺搖寒迺大溫草木早榮寒來不殺
溫病迺起其病氣拂於上血溢目赤欬逆頭痛血崩脇
滿膚腠中瘡宜治少陰之客以酸補之以甘瀉之以酸
收之歲穀宜丹間穀宜豆二之氣自春分日午正至
小滿日辰正凡六十日有奇主位太徵火客氣太陰土
中見金運火生土火反鬱白埃四起雲趨雨府風不勝


濕雨迺零民迺康其病熱鬱於上欬嘔吐瘡發於中胸
噎不利頭疼身熱昏憤膿瘡宜治太陰之客以甘補之
以苦瀉之以甘緩之歲穀宜丹間穀宜麻三之氣則自
小滿日巳初至大暑日郊初凡六十日有奇主位太徵
火客氣少陽火中見金運火當其位天政布炎暑至少
陽臨上雨迺涯民病熱中聾瞑血溢濃瘡欬嘔衄渴
嚏欠喉痺目赤善暴死宜調少陽之客以鹹補之以甘
瀉之以鹹熯之歲穀宜丹間穀宜豆四之氣自大暑日

卯正至秋分日丑正凡六十日有奇主位少宮土客氣
陽明金中見金運氣與運同是謂司氣涼迺至炎暑間
化白露降民氣和平其病滿身重宜治陽明之客以酸
補之以辛瀉之以苦泄之歲穀宜蒼間穀宜黍是氣也
用涼遠涼無犯司氣之涼五之氣自秋分日寅初至小
雪日子初凡六十日有奇主位太商金客氣太陽水中
見金運金當其位而生水陽迺去寒迺來雨迺降氣門
迺閉剛木早凋民病寒邪君子周密宜治太陽之客以

苦補之以鹹瀉之以苦堅之以辛潤之歲穀宜蒼
間穀宜稷終之氣自小雪日子正至大寒日戌正
凡六十日有奇主位少羽水客氣厥陰木中見金
運金生水水生木地氣正風迺至萬物反生霜霧
以行其病關閉不禁心痛陽氣不藏而欬宜治厥
陰之客以辛補之以鹹潤之以酸瀉之以甘緩之
歲穀宜蒼間穀宜稷此歲氣之化也勝復更作佐
以所利安其主客適其寒溫同者從之是其治法

也

辛 卯 歲 圖



陽明燥金司天少陰君火在泉中見少羽水運歲水不
及氣運行後天燥化為天氣玄化為左間明化為右間
故天氣急而其政切苦化為地氣柔化為左間動化為
右間故地氣明而其令暴陽專其令炎暑盛行物燥以
堅淳風迺治風燥橫運流於氣交多陽少陰雲趨雨府
濕化迺敷燥極而澤則金火合德上應太白熒惑其穀
白丹間穀命太徵者其耗白甲品羽雨化風化勝復同
邪氣化度也清化九寒化一熱化七正化度也介蟲靜

羽蟲育是迺歲物之宜介蟲耗寒毒不生是皆地氣所
制熱蟲迺見流水不冰清熱之氣持於氣交民病欬噎
塞寒熱發暴振慄癰悶清先而勁毛蟲迺死熱後而暴
介蟲迺殃其發燥是歲金在上火在下水運在中水勝
火火勝金天氣虛水能制火而生金金又生運其邪迺
微宜資化源以助金氣安其運水無使受邪食白丹之
穀以安其氣食間氣之穀以去其邪歲宜以鹹以辛苦
汗之清之散之運與熱同宜多天化此其道也其化上

苦小溫中辛和下鹹寒所謂藥食宜也歲半之前陽明
主之若燥淫所勝則木迺晚榮草迺晚生筋骨內變民
病左胠脇痛寒清於中感而瘡大涼草候欬腹中鳴注
泄驚澹名木斂生苑于下草焦上首心脇暴痛不可反
側嗑乾面塵腰痛目昧皆瘍瘡痙癰病本于肝診在足
太衝脉法宜平以苦溫佐以酸辛以苦下之歲半之後
少陰主之若熱淫于內則焰浮川澤陰處反明民病腹
中常鳴氣上衝胸喘不能久立寒熱皮膚痛目瞑齒痛

項腫惡寒發熱如瘧少腹中痛腹大法宜治以鹹寒佐以甘苦以酸收之以苦發之歲運之化木不及紀曰委和是謂勝生生氣不政化氣迺揚長氣自平收令迺早涼兩時降風雲並興草木晚榮蒼乾凋落物秀而實膚肉內充其氣欽其用聚其動綏戾拘緩其發驚駭其化魚所不勝春有鳴條律暢之化則秋有霧露清涼之政春有慘悽殘賊之勝則夏有炎暑燔爍之復其肯東其藏肝其病內舍肱脇外在關節上臨陽明上商與正商同其病

肢癰腫瘡瘍其疳蟲邪傷肝也初之氣自丙申年大
寒日巳初至是歲春分日卯初凡六十日八十七刻半
主位少角木客氣太陰土中見木運風濕相遇以行春
令地氣遷陰始凝肅水乃冰寒雨化民病中熱脹面目浮
腫善眠軌衄嚏欠嘔小便黃赤甚則淋宜調太陰之客
以甘補之以苦瀉之以甘緩之歲穀宜白間穀宜麻雖
有濕化不能為邪二之氣自春分日卯正至小滿日丑
正凡六十日有奇主位太徵火客氣少陽火中見木運


二火相加木運相和陽迺布民迺舒物迺生榮厲大至
民善暴死宜治少陽之客以醎補之以甘瀉之以醎要
之歲穀宜白間穀宜白雖有火邪不能為害三之氣自
小滿日寅初至大暑日子初凡六十日有奇主位太徵
火客氣陽明金中見木運金勝木天政布涼迺行燥熱
交合燥極而澤民病寒熱宜治陽明之客以酸補之以
辛瀉之以苦泄之歲穀宜白間穀宜黍雖有燥邪不能
為害四之氣自大暑日子正秋分日戌正凡六十日有

奇主位少宮土客氣太陽水中見木運寒雨降民病暴
仆振慄譖妄少氣噤乾引飲及為心痛癰腫瘡瘍瘡寒
之疾骨痿血便宜治太陽之客以苦補之以鹹瀉之以
苦堅之以辛潤之歲穀宜丹間穀宜稷雖有寒邪不能
為害五之氣自秋分日亥初至小雪日酉初凡六十日
有奇主位太商金客氣厥陰木中見水運氣與運同司
氣為蒼化春令反行草迺生榮民氣和宜調厥陰之客
以辛補之以酸瀉之以甘緩之歲穀宜丹間穀宜稷雖

有風化不能為邪是氣也用溫遠溫無犯司氣之溫終之氣自小雪日酉正至大寒日未正凡六十日有奇主位少羽水客氣少陰火中見水運水生木木生火其化順陽氣布候反溫蟄蟲反見流水不冰民迺康平其病溫宜治少陰之客以鹹補之以甘瀉之以酸收之歲穀宜丹間穀宜豆雖有熱邪不能為害歲氣之交天氣勝者少陽復之地氣勝者太陽復之其治各依其

復氣之法也

壬辰歲圖



太陽寒水司天太陰濕土在泉中見太角木運歲木太
過氣化運行先天寒化在上蒼化司氣左間清化右間
故天政所布其氣肅甘化在下明化左間灼化居氣右
間故地氣靜而其令徐寒臨太虛其政大舉陽氣不令
澤無陽燄則火發待時少陽中治時雨迺涯止極兩散
還於太陰雲朝北極濕化迺布澤流萬物寒化六風化
八雨化五正化度也鱗蟲靜保蟲育歲物之宜也鱗蟲
不成燥毒不生地氣制之也寒敷於上雷動於下寒濕

之氣持於氣交民病寒濕發肌肉萎足痿不收濡瀉血
溢是歲水為天氣土為地氣土勝水天氣虛當資化源
以助天氣之水歲運木天氣生運木能勝土地氣反鬱
上抑其運木扶其不勝無使暴過而生其疾食元齡之
穀以全其真辟邪虛之氣以安其政運與寒熱異宜以
燥食化其化上苦溫中酸和下甘溫藥食宜也歲半之
前太陽主之若濕淫所勝則寒氣反至水且冰血變於中
發為癰瘍民病厥心痛嘔血血泄飢飢善悲時眩仆運火

炎烈雨暴迺電胸腹滿手熱肘攣腋腫心澹澹大動胸
脇胃腕不安面赤目黃噫噓乾甚則色炔渴而欲飲病
本于心診在手神門脉其法平以辛熱佐以苦甘以鹹
瀉之歲半之後太陰主之若濕淫於內則埃昏嚴谷黃
反見黑至陰之交民病飲積心痛耳聾渾渾惛惛噓腫
喉痺陰病血見小腹痛腫不得小便病衝頭痛目似脫
項似拔腰似折髀不可以曲臆如結喘如別其法宜治
以苦熱佐以酸淡以苦燥之以淡泄之氣交之間木運


太過發生之紀是謂啓陳土踈泄蒼氣達陽和布化陰
氣迺隨生氣淳化萬物以榮其化生其氣美其政散其
令條舒其動掉眩顛疾其德鳴靡啓折其變振拉摧拔其
化兼其所勝其病怒故曰歲木太過風氣流行脾土受
邪民病飧泄泄食減體重煩冤腸鳴腹肢滿甚則忽忽善
怒眩冒顛疾反脇痛而吐甚衝陽脉絕者不治宜以酸和
初之氣自辛卯年大寒日寅初至是歲春分日子初凡
六十日八十七刻半主位太角木客氣少陽火中見木運

歲木當位相火居之地氣遷氣迺大溫草迺早榮民迺厲
溫病迺作身熱頭痛嘔吐肌腠瘡瘍宜治少陽之客以酸
補之以甘瀉之以鹹與之歲穀宜玄間穀宜豆雖有火邪
不能為害二之氣自春分日子正至小滿日戌正凡六十
日有奇主位少徵火客氣陽明金中見木運金勝木大涼及
至民迺慘草迺遇寒火氣遂抑民病氣鬱中滿寒迺始
宜治陽明之客以酸補之以辛瀉之以苦泄之歲穀宜
玄間穀宜黍雖有燥邪不能為害三之氣自小滿日亥

初至大暑日酉初凡六十日有奇主位少徵火客氣太陽水中見木運天政布寒氣行雨迺降民病寒宜治太陽之客以鹹瀉之以苦堅之以辛潤之歲穀宜玄間穀宜稷雖有寒邪不能為害四之氣自大暑日酉正至秋分日未正凡六十日有奇主位太宮土客氣厥陰木中見木運氣與運同是謂司氣風濕交爭風化為雨民病大熱宜治厥陰之客以辛補之以酸泄之以甘緩之歲穀宜藋間穀宜稷雖有風邪不能為害五之氣自秋分日申初至小雪日午初凡六十日有奇主

位少商金客氣少陰火中見木運木生火火勝金民迺舒宜
調少陰之客以鹹補之以甘瀉之以酸收之歲穀宜薥間穀
宜豆雖有熱邪不能為害終之氣自小雪日午正至大寒日
辰正凡六十日有奇主位太羽水客氣太陰土中見木運地
氣正濕令行陰凝太虛寒風以至民迺慘悽宜治太陰之客
以甘補之以苦瀉之歲穀宜薥間穀宜麻雖有濕邪不能為
害此六氣之化也歲氣之交天氣勝則有太陰之復地氣勝
則有厥陰之復治之宜以勝復之法

癸巳歲圖



厥陰風木司天少陽相火在泉中見少徵火運歲火不及
氣化運行後天火同不及地化而加同歲會氣之平也
諸同正歲氣化運行同天平火之歲命曰升明之紀正
陽而治德施周普五化均衡其氣高其性速其用燔灼
其化蕃茂其政明曜其候炎暑其令熱其類火其應夏
其穀麥其果杏其實絡其蟲羽其畜馬其色赤其味苦
其物脉其音徵其數七其也在人也其藏心其主舌其養
血其病暵癰此歲運之化也天地之氣風化在上灼化

左藏化右苦化在下清化左齡化右故天氣擾而其政
撓地氣正而其令速風生高遠炎熱從之雲趨雨府濕
化通行風火同德上應歲星熒惑其穀丹蒼間穀言太
宮太羽者具耗文角品羽寒化雨化勝復同邪氣化度
也風化八火化二正化度也歲物之宜則毛蟲靜羽蟲
育地氣所制則介蟲耗寒毒不生風燥火熱勝復更作
蟄蟲來見流水不冰熱病行於下風病行於上風燥火
熱勝復行於中是歲陰為天氣陽為地氣天氣虛火適

平不資化源性贊運火無使邪勝歲宜以辛調上以醎
調下畏火之氣無妄犯之其化上辛涼中醎和下醎寒
藥食宜也歲半之前厥陰主之厥陰所至其令風當其
時風化行者天之政也歲半之後少陽主之少陽所至
其令火當其時火化行者地之令也初之氣自壬辰年
大寒日巳初至是歲春分日卯初凡六十日八十七刻
半主位太角木客氣陽明金中見火運寒始肅殺氣方
至民病寒於右之下運行平火其邪迺微宜調陽明之

客以酸補之以辛瀉之以苦泄之歲穀宜蒼間穀宜黍
二之氣自春分日卯正至小滿日丑正凡六十日有奇
主位少徵火客氣太陽水中見火運火居其位寒水承
之寒不去華雪水水殺氣施化霜迺降名草上焦寒雨
數至陽復化民病熱於中宜調太陽之客以苦補之以
鹹瀉之以苦堅之以辛潤之歲穀宜蒼間穀宜稷三之
氣自小滿日寅初至大暑日子初凡六十日有奇主位
少徵火客氣厥陰木中見火運火當其位風木客之天

政布風迺時舉民病泣出耳鳴掉眩宜調厥陰之客以辛補之以酸瀉之以甘緩之歲穀宜蒼間穀宜稷四之氣自大暑日子正至秋分日戌正凡六十日有奇主位太宮土客氣少陰火中見火運氣與運同灼化所居濕熱相薄爭于左之上民病黃痺而為胕腫宜調少陰之客以鹹補之以甘瀉之以酸收之歲穀宜丹間穀宜豆五之氣自秋分日亥初至小雪日酉初凡六十日有奇主位少商金客氣太陰土中見火運氣火生土燥濕更勝

沈陰迺布寒氣及體風雨迺行宜調太陰之客以甘補之以苦瀉之以甘緩之歲穀宜丹間穀宜麻終之氣自小雪日酉正至大寒日未正凡六十日有奇主位太羽水客氣少陽火中見火運火氣符會畏火司令陽迺大化蟄蟲出見流水不冰地氣大發草迺生人迺舒其病溫厲宜調少陽之客以鹹補之以甘瀉之以鹹熈之歲穀宜丹間穀宜豆是之氣也司氣以熱用熱無犯所謂用熱遠熱也歲氣之化其化淳又遇火氣正是謂行令

邪或乘之其病持久故經曰中行令者其病徐而持

普濟方卷九